

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӦН ШУӦМ

Коми Республикаын водзмӧстчан проектяс йылысь, кутшӧмьясӧс вӧзйӧны Коми Республикаса республиканскӧй съӧмкудйысь мукӧд съӧмкудкостса трансферт тшӧт весьтӧ сьӧмӧн отсӧг босьтӧм вылӧ

«Россия Федерацияын меставывса асвеськӧдлӧмсӧ котыртан ӧтувья принципяс йылысь» Федеральнӧй оланпасын 26¹ статьяса 10 юкӧн, «Коми Республикаын меставывса асвеськӧдлӧмын ӧткымын юалӧм йылысь» Коми Республикаса Оланпасын 11² статьяса 2 юкӧн збыльмӧдӧм могысь Коми Республикаса Воськӧдлан котыр шуис:

1. Вынсӧдны Водзмӧстчан проектяссӧ, кутшӧмьясӧс вӧзйӧны Коми Республикаса республиканскӧй съӧмкудйысь мукӧд съӧмкудкостса трансферт тшӧт весьтӧ сьӧмӧн отсӧг босьтӧм вылӧ, конкурс серти бӧрйӧм йылысь положениесӧ 1 №-а содтӧд серти.

2. Вынсӧдны Коми Республикаын муниципальнӧй юкӧнъяслӧн съӧмкудьясӧ водзмӧстчан проектяс збыльмӧдӧм вылӧ Коми Республикаса республиканскӧй съӧмкудйысь мукӧд съӧмкудкостса трансферт юклан методика да найӧс сетан правилӧяссӧ 2 №-а содтӧд серти.

3. Тайӧ шуӧмыс вынсялӧ сійӧс официальнойя публикуйтан лунсянь.

Коми Республикаса Воськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2022 вося ӧшым тӧлысь 14 лун
628 №

ВЫНСЬӨДӨМА
Коми Республикаса Вєськөдлан котырлөн
2022 во öшым тöлысь 14 лунся 628 №-а шуөмөн
(1 №-а содтөд)

Водзмөстчан проектъяссö, кутшөмъясöс вöзйöны Коми Республикаса
республиканскöй сьöмкудйысь мукöд сьöмкудкостса трансферт
тшöт вєсьтö сьöмөн отсөг босьтөм вылö, конкурс серти бöрйöм йылысь
ПОЛОЖЕНИЕ

1. Тайö Положениеыс индö тöдмөгъяслөн состав дорö корöмъяссö, кутшөмъясöс колö пыртны водзмөстчан проектъяссö, кутшөмъясöс вöзйöны Коми Республикаса республиканскöй сьöмкудйысь мукöд сьöмкудкостса трансферт тшöт вєсьтö сьöмөн отсөг босьтөм вылö, кутшөмъясöс вєськөдöма меставывса тöдчанлуна юалöмъяс либö мукöд юалöм решитөм вылö, кутшөмъясöс решитан инöдсö сетöма Коми Республикаын меставывса асвєськөдлан органъяслы (водзö – водзмөстчан проект), водзмөстчан проектъяс видлалан пöрадоксö, сы лыдын найöс ошкöмын öткажитан подувьяссö, водзмөстчан проектъяссö конкурс серти бöрьян пöрадоксö да муртөсьяссö (водзö – конкурс серти бöрйöм).

2. Водзмөстчан проектъяс збыльмөдöмын сьöмөн отсалан медшöр могъясөн лоöны:

1) Коми Республикаын муниципальной юкөнъясса олысьясөн (водзö – муниципальной юкөн) меставывса сьöмкудъясысь сьöм видзан веркутуйяссö индöмö пырöдчыны водзмөстчöмсö кыпöдöм;

2) муниципальной юкөнъясса олысьяслы водзмөстчöмъяссö олöмö пöртöмын отсалöм;

3) сьöмкуд сöвмөдöмын водзмөстчан ногъяссö сöвмөдöм;

4) йöзлы медтöдчана водзмөстчан проектъяс олöмö пöртöмын отсалöм.

3. Водзмөстчан проектъяс збыльмөдöмсö вєськөдöма меставывса тöдчанлуна юалöмъяс решитөм вылö, кутшөмъясöс решитан инöдсö сетöма муниципальной юкөнъяслөн меставывса асвєськөдлан органъяслы.

4. Конкурс серти бöрйöмын шыöдчысьөн лоö муниципальной юкөнлөн меставывса администрация (водзö – Шыöдчысь).

5. Водзмөстчан проектсö конкурс серти бöрйöмö пырöдчөм вылö ыстан муртөсөн лоö водзмөстчан проектөн конкурс серти бöрйöмö пырöдчөм вылö заявка ыстөм йылысь помшуөм, кутшөмөс Шыöдчысь примитöма сйöс вöзьян, пыртан, видлалан да бöрйöм нуöдан бöртасьяс серти, кутшөмөс муниципальной юкөн нуöдiс «Россия Федерацияын меставывса асвєськөдлөмсö котыртан öтувья принципъяс йылысь» Федеральной оланпасын 26¹ статьяса 9 юкөн серти.

6. Водзмөстчан проектö колö пыртны татшöм тöдмөгъяс:

1) мытшөдсö опишитöм, кутшöмöс решитöмыс лоö тöдчанаөн муниципальнöй юкөнса либö муниципальнöй юкөн мутаслөн юкөнса олысьяслы;

2) индöм мытшөдсö разьöм серти вöзйöмьяссö подулалöм;

3) водзмöстчан проектсö збыльмöдöмлысь виччысяна бöртассö (виччысяна бöртасьяссö) опишитöм;

4) водзмöстчан проект збыльмöдöм вылö колана рöскодсö водзвыв арталöм;

5) муниципальнöй юкөнлөн либö сьлөн юкөнлөн мутас вылö индöм, кутшöмлөн мудорьясын кутасны збыльмöдны водзмöстчан проектсö;

6) водзмöстчан проектсö збыльмöдны планируйтан кадколастьяс;

7) колана йöзлөн водзмöстчан проект збыльмöдöмö сьöмөн, эмбур да (либö) удж боксянь планируйтана пырöдчöм йылысь тöдмөгьяс;

8) меставывса сьöмкуд сьöм ыджда, мыйта көсьöны видзны водзмöстчан проектсö збыльмöдöм вылö, водзмöстчан мынтöмьяслөн планируйтана ыджда кындзи (сэк, кор көсьöны вöдитчыны тайö сьöмөн).

7. Коми Республикаса республиканскöй сьöмкуд сьöм тшöт весьтö водзмöстчан проект збыльмöдöмын сьöмөн отсалöны Коми Республикаын муниципальнöй юкөньяслөн сьöмкудьясö водзмöстчан проектьяс збыльмöдöм вылö Коми Республикаса республиканскöй сьöмкудйысь мукöд сьöмкудкостса трансферт юклан методика да найöс сетан правилöяс серти, кутшöмöс вынсьöдöма Коми Республикаса Веськöдлан котырлөн 2022 во öшым тöлысь 14 лунся 628 №-а шуöмөн (2 №-а содтöд), (водзö – Методика).

8. Коми Республикаса Юралысьлөн Администрация (водзö – Администрация) нуöдö конкурс серти бöрйöмсö котыртöм да техническöй, методология да консультируйтöм боксянь.

9. Конкурс серти бöрйöмсö нуöдöм могысь Администрация:

1) «Öтуввез» юöртан да телекоммуникация везйын Администрациялөн официальной сайтын йöзöдö конкурс серти бöрйöмсö нуöдöм йылысь объявленииесö конкурс серти бöрйöмö пырöдчöм вылö заявкаяс (водзö – заявкаяс) ыстан кадколаст помасян лунöдз 15 календарнöй лунысь оз сёрджык;

2) примитö заявкаяс, а сіджö на дорö содтöм документьяс.

10. Конкурс серти бöрйöмсö нуöдöм йылысь объявлениеын индöны Шыödчысьяс дорö корöмьяссö, заявка дорö содтан документьяслысь лыддьöгсö, кутшöмьясöс индöма тайö Положиенилөн 11 пунктын, заявкаяс примитны заводитан да помалан кадпассö, найöс примитан местасö да кадсö, заявкалысь формасö, конкурс серти бöрйöмö пырöдчöм вылö заявкаяс дасьтан юалöмьяс серти консультируйтчöм вылö йитчан телефон номерьяссö.

11. Конкурс серти бöрйöмö пырöдчöм могысь конкурс серти бöрйöмсö нуöдöм йылысь объявлениеын индöм кадколастьясö Шыödчысь сетö Администрацияö заявка. Заявкасö гижöны электроннöя. Электроннöй заявкалысь формасö йöзöдöма «Öтуввез» юöртан да телекоммуникация

везйын <https://ib.rkomi.ru> сайтын ас вежӧсын. Гижӧм бӧрын заявкасӧ печатайтӧны да сӧйӧс кырымалӧ лӧсялана муниципальнӧй юкӧнса юралысь либӧ лӧсялана муниципальнӧй юкӧнлӧн меставывса администрацияса юралысь (юрнуӧдысь), либӧ сыӧн уполномочитӧм морт.

Заявка дорӧ содтӧны татшӧм документъяс (водзӧ – документ):

1) тайӧ Положение дорӧ 1 №-а содтӧдын типӧвӧй форма серти водзмӧстчан проектсӧ опишитӧм;

2) водзмӧстчан проектъяс бӧрйӧм серти муниципальнӧй комиссиялӧн заседаниелӧн сӧрнигижӧд, кутшӧмӧс лӧсьӧдӧма «Россия Федерацияын меставывса асвескӧдлӧмсӧ котыртан ӧтувья принципъяс йылысь» Федеральнӧй оланпаслӧн 26¹ статьяса 12 юкӧн серти;

3) гражданалӧн сходса, собраниеса либӧ конференцияса, сы лыдын мутасын ӧтйӧза асвескӧдлӧм збыльмӧдан юалӧмъяс серти гражданалӧн собраниеса либӧ конференцияса, кутшӧмӧс нуӧдӧма лӧсялана муниципальнӧй юкӧнын, сӧрнигижӧд да кырымпасьяслӧн реестр, кутшӧмъяс эскӧдӧны, мый водзмӧстчан проектсӧ колӧ йӧзлы, а сӧдзжӧ гражданалысь сходсӧ, собраниесӧ либӧ конференциясӧ, сы лыдын мутасын ӧтйӧза асвескӧдлӧм збыльмӧдан юалӧмъяс серти гражданалысь собраниесӧ либӧ конференциясӧ фото- да видеофиксируйтӧм (эм кӧ).

Кырымпасьяслӧн реестрӧ колӧ пыртны водзмӧстчан проектлысь нимсӧ, гражданалысь сход, собрание либӧ конференция, сы лыдын мутасын ӧтйӧза асвескӧдлӧм збыльмӧдан юалӧмъяс серти гражданалӧн собрание либӧ конференция, нуӧдан кадпассӧ, гражданинлысь овсӧ, нимсӧ да вичсӧ, водзмӧстчан проектсӧ збыльмӧдӧмӧ сьӧмӧн пырӧдчӧм вылӧ сьӧмӧн татшӧм пырӧдчӧм вылӧ урчитӧм мындаын сӧгласлун (сӧгластӧмлун), кырымпас;

4) гражданаӧс юасьӧмлысь бӧртасьяс да (либӧ) кырымалан листьяс, кутшӧмъяс эскӧдӧны, мый муниципальной юкӧнса либӧ сылӧн юкӧнса олысьяс ошкисны водзмӧстчан проектсӧ (сэк, кор юасьӧма гражданаӧс, чукӧртӧма налысь кырымпасьяс);

5) йӧрьясын збыльмӧдан водзмӧстчан проектъяс серти – быд уна патераа керкаын жырьяссӧ кыин кутысьяслӧн ӧтувья собраниеяслӧн сӧрнигижӧдьяслӧн копияяс гӧлӧсуйтан листьяслӧн копиясӧн, кутшӧмъясӧс оформитӧма оланӧн оланпастэчаслӧн корӧмъяс серти, керка йӧрлӧн мудорьясын меститчысь быд здание да сооружение кыин кутысьяслӧн помшуйӧмъяслӧн копияяс, кытчӧ гижӧма татшӧм юӧр:

а) водзмӧстчан проект олӧмӧ пӧртӧм бӧрын керка йӧрын сувтӧдӧм оборудованиесӧ, мукӧд объектсӧ уна патераа керкаын жырьяс кыин кутысьяслӧн ӧтувья эмбурӧ (кыин кутӧмӧ – зданиеяс, стрӧйбаяс да сооруженияяс кыин кутысьяслы) босьтӧм йылысь помшуйӧм;

б) водзмӧстчан проект збыльмӧдӧм бӧрын керка йӧрын сувтӧдӧм оборудование, мукӧд объект видзӧм серти кӧсйысьӧм;

б) рӧскод серти стӧчмӧдӧм смета да (либӧ) сметнӧй документация, кутшӧмӧс кырымалӧма лӧсялана муниципальной юкӧнса юралысь либӧ лӧсялана муниципальной юкӧнлӧн меставывса администрацияса юралысь

(юрнуодысь), либõ сыõн уполномочитõм морт да (либõ) лõсялана муниципальнõй юкõнлõн сьõм овмõс нуодысь органõн юрнуодысь;

7) гарантийнõй письмõяс:

а) муниципальнõй юкõнлõн меставывса администрациясьнõй сы йылысь, мый меставывса сьõмкудйõ пыртõма водзмõстчан проектсõ збыльмõдõм вылõ сьõмкуд ассигнование, сы лыдын водзмõстчан мынтõмьяслысь да (либõ) мукõд сьõмкудкостса трансфертлысь ыдждасõ тõд вылõ босьтõмõн, кутшõмьясõс муниципальнõй юкõнса сьõмкудйõ сетõны Коми Республикаса республиканскõй сьõмкудйысь водзмõстчан проектсõ õтув сьõмõн могмõдõм вылõ, кутшõмõс кырымалõма лõсялана муниципальнõй юкõнса юралысь либõ лõсялана муниципальнõй юкõнлõн меставывса администрацияса юралысь (юрнуодысь), либõ сыõн уполномочитõм морт;

б) юридическõй кывкутысьясысьнõй, ас вылõ уджалысьясысьнõй сы йылысь, мый найõ кõсйõны видзны водзмõстчан проект збыльмõдõм вылõ сьõм либõ пырõдчыны сйõс збыльмõдõмõ сьõм видзтõг (сэк, кор водзмõстчан проектсõ опишитõмын индõма юридическõй кывкутысьяслысь, ас вылõ уджалысьяслысь водзмõстчан проект збыльмõдõмõ сьõмõн да (либõ) сьõм видзтõг пырõдчыны кõсйõмсõ).

Быд водзмõстчан проект серти лõсьõдõны торья заявка.

Конкурсõн õти бõрйõм серти Коми Республикаын муниципальнõй районлõн, сэтчõ пырысь став овмõдчõминсõ пыртõмõн, кар (муниципальнõй) кытшлõн меставывса асвеськõдлан органьясысьнõй позьõ ыстыны 2 заявкаысь оз унджыкõс.

Шыõдчысь кывкутõ водзмõстчан проектнõ да документьясын индõм юõрлõн збыльлун вõсна.

12. Шыõдчысь вермõ õткажитчыны конкурс серти бõрйõмõ пырõдчõмысь Администрацияõ заявка бõр корõм йылысь электроннõй да бумага вылын либõ бумага вылын уведомлениесõ заявкаяс примитан тайõ Положениелõн 10 пунктõн урчитõм кадколаст помассьытõдз ыстõмõн.

13. Администрация заявка воан лунõ пасйõ воõм заявкаяссõ заявкаяс пасьян журналын, кутшõмõс нуõдõны электроннõй Администрацияõн вынсьõдõм форма серти (водзõ - заявкаяс пасьян журнал). Пасьян гижõдõ колõ пыртны заявкалысь пасьян номерсõ, заявка примитан кадпассõ да кадсõ, заявка бергõдан кадпассõ сэк, кор урчитõма тайõ пунктса мõд абзацõн. Заявка сетан кадпасõн лыддысьõ заявкаяс пасьян журналын заявкасõ пасьян кадпас да кад.

Заявкаяссõ, кутшõмьяс воõмаõсь конкурс серти бõрйõмсõ нуõдõм йылысь объявлениеын индõм кадколаст помасьõм бõрын, Администрация бõр сетõ Шыõдчысьлы налõн воан лунсянь 5 уджалан лун чõжõн.

14. Администрация заявка пасьян лунсянь 5 уджалан лун чõжõн котыртõ воõм заявкасõ да документьяссõ сылõн комплектносът да тайõ Положениелõн 11 пунктса корõмьяслы лõсялõм вылõ видлалõмсõ да индõм корõмьяслы лõсялгõн ыстõ заявкасõ да документьяссõ Коми Республикаса олõмõ пõртысь власьт органьясõ видлалõм вылõ, кодьяслõн уджалан

сфераӧ пырӧны воӧм водзмӧстчан проектъясыс (водзӧ – Коми Республикаса олӧмӧ пӧртысь власьт органьяс).

15. Сэк, кор воӧм заявкаис да документъясыс оз лӧсявны тайӧ Положениелӧн 11 пунктса корӧмьяслы, Администрация заявка пасьян лунсянь 5 уджалан лун чӧжӧн гижӧмӧн юӧртӧ та йылысь Шыӧдчысьлы инпас серти, кутшӧмӧс индӧма заявкаын. Заявкаяс примитан кадколаст помассытӧдз Шыӧдчысь вермӧ бырӧдны пасйӧдьяссӧ, кутшӧмьясӧс индӧма уведомлениеын.

Шыӧдчысьлы конкурс серти бӧрйӧмӧ пырӧдчӧмын ӧткажитӧм йылысь помшуйӧм примитан подувьясыс сыын, мый:

1) Шыӧдчысь оз лӧсяв тайӧ Положениелӧн 10 пункт серти конкурс серти бӧрйӧмсӧ нуӧдӧм йылысь объявлениеын индӧм корӧмьяслы;

2) абу сетӧма либӧ сетӧма абу став документсӧ, кутшӧмӧс урчитӧма тайӧ Положениелӧн 11 пунктӧн;

3) сетӧма тайӧ Положениелӧн 11 пунктын индӧм документъяссӧ, кутшӧмьясӧс оформитӧма абу колана ногӧн (гижӧма абу став графасӧ да (либӧ) строкасӧ, вӧчӧма технической шыбӧльяс, торкалӧмьяс да веськӧдӧмьяс, абуӧсь кырымпасьяс да печатьяс (кор колӧ, медым найӧ вӧліны), абу эскӧдӧма документъяслысь копияяссӧ, документъяссӧ кырымалӧма морт, кодлӧн абу найӧс кырымалӧм вылӧ инӧдыс).

Заявкаяс примитны помалан лунсянь 10 уджалан лун чӧжӧн конкурс серти бӧрйӧмӧ пырӧдчӧмын ӧткажитӧм йылысь помшуйӧмсӧ ыстӧны Шыӧдчысьлы заявкаын индӧм инпас серти либӧ сетӧны Шыӧдчысьлы веськыда киас. Конкурс серти бӧрйӧмӧ пырӧдчӧмын ӧткажитӧм йылысь помшуйӧмсӧ позьӧ обжалуйтны оланпастэчасӧн урчитӧм пӧрадокын.

16. Коми Республикаса олӧмӧ пӧртысь власьт органьяс заявкасӧ да сы дорӧ содтӧм документъяссӧ босьтан лунсянь 7 уджалан лун чӧжӧн доньялӧны водзмӧстчан проектсӧ конкурс серти бӧрьян муртӧсьяс серти, кутшӧмьясӧс урчитӧма тайӧ Положение дорӧ 2 №-а содтӧдӧн, да ыстӧны Администрацияӧ татшӧм доньялӧмлӧн бӧртасьяс серти сетӧм балляслысь лыдсӧ индӧмӧн водзмӧстчан проектсӧ збыльмӧдны позянлун йылысь либӧ помкаяссӧ индӧмӧн сійӧс збыльмӧдны позьтӧмлун йылысь заключение Администрацияӧн вынсьӧдӧм форма серти.

17. Администрация водзмӧстчан проектсӧ збыльмӧдны позянлун йылысь либӧ сійӧс збыльмӧдны позьтӧмлун йылысь заключениесӧ босьтан лунсянь 3 уджалан лун чӧжӧн ыстӧ Коми Республика мутасын водзмӧстчан проектъяс бӧрйӧм серти ведомствокоствса конкурсноӧ комиссияӧ (водзӧ – Конкурсноӧ комиссия) заявка да документъяс тайӧ заключениесӧ содтӧмӧн.

18. Конкурсноӧ комиссияӧ пырысьяссӧ да сылысь Уджалан пӧрадоксӧ (сы лыдын сыӧн помшуйӧмьяс примитан пӧрадоксӧ) вынсьӧдӧны Администрациялӧн тшӧктӧдӧн да сійӧс вынсьӧдан лунсянь 3 уджалан лун чӧжӧн йӧзӧдӧны «Ӧтуввез» юӧртан да телекоммуникация везйын Администрациялӧн официальной сайты. Администрация могмӧдӧ Комиссиялысь уджсӧ котыртӧм да технической да документация боксянь.

19. Конкурсно́й комиссия видлалö водзмöстчан проектъяссö сы могысь, медым төдмавны найöс ошкан позянлунъяссö.

Конкурсно́й комиссия тайö Положениелөн 17 пунктөн урчитöм документъяс босьтан лунсянь 5 уджалан лун чöжөн видлалö водзмöстчан проектъяссö да на серти примитö татшöм помшүөмъясысь öтиöс:

- 1) ошкыны водзмöстчан проектсö;
- 2) öткажитны водзмöстчан проектсö ошкöмын да бöр сетны сийöс Шыödчысьлы водзмöстчан проектсö ошкöмын öткажитан помкаяссö индöмөн.

20. Водзмöстчан проектсö ошкöмын öткажитöм йылысь помшүөм примитан подувъясыс сыын, мый:

- 1) абу кутчысьöма водзмöстчан проектсö пыртан да сийöс видлалан урчитöм пöрадокö;

- 2) водзмöстчан проектсö оз лöсяв оланпастэчаслөн корöмъяслы;

- 3) эрдöдöма, мый заявкаын да (либö) сы дорö содтöм документъясын эмöсь абу збыль төдмөгъяс;

- 4) Шыödчысь водзынджык босьтлöма нин Коми Республикаса республиканскöй сьöмкуд сьöм тшöт весьтö татшöм жö проект збыльмöдöм вылö сьöмөн отсöгсö (водзмöстчан проектлөн öткодьöсь местаыс, медшöр могыс да могъясыс);

- 5) эм водзмöстчан проектсö збыльмöдны позьтöмлун йылысь Коми Республикаса олöмö пöртысь власьт органлөн заключение.

21. Конкурсно́й комиссия ошкöм водзмöстчан проектъяс серти тайö Положениелөн 16 пунктын индöм водзмöстчан проектсö збыльмöдны позянлун йылысь Коми Республикаса олöмö пöртысь власьт органөн сетöм заключение, водзмöстчан проектлы сетöм балл лыд йылысь юöр подув вылын лöсьöдö наөн чукöртöм öтувъя балляслөн чинöм серти ранжируйтöм лыддьöг (водзö – ранжируйтöм лыддьöг) да сетö налы лöсялана дорвыв номеръяс.

Сэк, кор некымын водзмöстчан проектлөн чукöрмис öтмында балл, ичöтджык дорвыв номерсö сетöны водзмöстчан проектлы, кутшöмöс збыльмöдöм вылö колö Коми Республикаса республиканскöй сьöмкудйысь этшаджык сьöм.

Сэк, кор водзмöстчан проектъяс збыльмöдöм вылö колö Коми Республикаса республиканскöй сьöмкудйысь öтмында сьöм, ичöтджык дорвыв номерсö сетöны водзмöстчан проектлы, мый серти кыскöны унджык водзмöстчан мынтöм.

Лыддыссьö, мый конкурс серти бöрйöмсö прöйдитисны водзмöстчан проектъяс, кутшöмъяс босьтисны ранжируйтöм лыддьöгын медуна балл (водзö – вермысьяс).

Лыддыссьö, мый конкурс серти бöрйöмсö эз прöйдитны водзмöстчан проектъяс, кутшöмъяс босьтисны ранжируйтöм лыддьöгын медэтша балл лыд.

Конкурснӧй комиссия индӧ вермысьяслысь лыдсӧ Коми Республикаса республиканскӧй сьомкуд сьом мындаын, мыйта урчитӧма локтан финансӧвӧй воын водзмӧстчан проектяс збыльмӧдӧм вылӧ.

22. Водзмӧстчан проектяс видлалан бӧртасьяссӧ петкӧдлӧма Конкурснӧй комиссиялӧн помшуйӧмын – заседаниелӧн сӧрнигижӧдын, кӧнӧ ранжируйтӧм лыддьӧг вылӧ мыджсьӧмӧн индӧны, мыйта ставнас колӧ сьомыс быд водзмӧстчан проект збыльмӧдӧм вылӧ, Коми Республикаса республиканскӧй сьомкудйысь сетӧм мукӧд сьомкудукостса трансферт, меставывса сьомкудлӧн ас сьом, водзмӧстчан мынтӧмьяс мындасӧ, мыйта кӧсйӧны кыскыны быд водзмӧстчан проект збыльмӧдӧм вылӧ.

23. Администрация Конкурснӧй комиссияӧн помшуйӧм примитан лунсянь 5 уджалан лун чӧжӧн:

1) йӧзӧдӧ «Ӧтуввез» юӧртан да телекоммуникация везйын Администрациялӧн официальной сайтын Конкурснӧй комиссиялӧн заседаниелысь сӧрнигижӧдсӧ;

2) урчитӧм пӧрадокын пыртӧ вермысь водзмӧстчан проектяс збыльмӧдӧм вылӧ муниципальной юкӧнъяслӧн сьомкудьясӧ Коми Республикаса республиканскӧй сьомкудйысь мукӧд сьомкудукостса трансферт юклӧм йылысь Коми Республикаса Вескӧдлан котырлысь нормативнӧй инӧда акт бала.

Вермысь водзмӧстчан проектяс збыльмӧдӧм вылӧ муниципальной юкӧнъяслӧн сьомкудьясӧ Коми Республикаса республиканскӧй сьомкудйысь мукӧд сьомкудукостса трансферт юклӧм йылысь Коми Республикаса Вескӧдлан котырлысь нормативнӧй инӧда акт примитан лунсянь 20 уджалан лун чӧжӧн Администрация кырымалӧ Коми Республикаын лӧсялана меставывса асвескӧдлан органьяскӧд Коми Республикаса республиканскӧй сьомкудйысь меставывса сьомкудьясӧ торья мога мукӧд сьомкудукостса трансферт сетӧм йылысь артмӧдчӧмьяс.

Коми Республикаын лӧсялана муниципальной юкӧнъяслӧн меставывса сьомкудьясӧ мукӧд сьомкудукостса трансфертсӧ вуджӧдӧны Методика серти.

24. Водзмӧстчан проектяс збыльмӧдӧмсӧ юӧр боксянь могмӧдӧны «Ӧтуввез» юӧртан да телекоммуникация везйын Администрациялӧн официальной сайтын:

1) водзмӧстчан проектяс збыльмӧдӧм серти юӧртан, тематическӧй, справочнӧй, методическӧй да мукӧд материал йӧзӧдӧмӧн;

2) конкурс серти бӧрйӧмсӧ нуӧдӧм йылысь объявление, конкурс серти бӧрйӧмлӧн бӧртасьяс йылысь юӧр да водзмӧстчан проектяссӧ збыльмӧдан кывкӧртӧдьяс йылысь отчӧтъяс йӧзӧдӧмӧн.

25. Муниципальной юкӧнъяслӧн уполномочитӧм органьяс оланпастэчас серти йӧзӧдӧны «Ӧтуввез» юӧртан да телекоммуникация везйын Коми Республикаын меставывса асвескӧдлан органьяслӧн официальной сайтяс вылын водзмӧстчан проектяссӧ збыльмӧдан кывкӧртӧдьяс йылысь отчӧтъяс Администрацияӧн вынсьӧдӧм форма серти,

а сідзжө сетöны найöс Администрацияö кадколастö, кутшöмöс урчитöма
Администрацияөн.

Водзмөстчан проектъяс серти,
кутшөмьясөс вөзйөны
Коми Республикаса республиканскöй сьомкудйысь
мукöд сьомкудкостса трансферт тшöт весьтö
сьомөн отсöг босьтöм вылö,
конкурс серти бөрйöмсö нуöдöм йылысь положение дорö
1 №-а СОДТÖД

Водзмөстчан проектсö опишитан
ТИПÖВÖЙ ФОРМА

1. Водзмөстчан проектлөн ним: _____
(сметнöй да технической документация серти проектлөн ним)
2. Водзмөстчан проектсö збыльмöданін: _____
(муниципальнöй юкөнлөн мутас (ним) либö сылөн юкөн, кöнi кутасны збыльмöдны водзмөстчан проектсö)
3. Водзмөстчан проектлөн медшөр мог да могьяс: _____
(индыны меставывса тöдчанлуна юалöмьяс либö мукöд юалöм, кутшөмьясөс решитан инöдсö сетöма муниципальнöй юкөнлөн меставывса асвеськöдлан органьяслы (ним), кутшөмьясөс олöмö пöртöм вылö веськöдöма водзмөстчан проектсö, опишитны торья мероприятиеяс, кутшөмьясөс веськöдöма водзмөстчан проектъяслөн медшөр могьясöдз воöдчöм вылö)
4. Мытшöдсö, кутшөмöс разьöм вылö веськöдöма водзмөстчан проектсö, опишитöм: _____.
5. Индöм мытшöдсö разьöм серти вөзйöмьяссö подулалöм: _____
6. Водзмөстчан проект сьöрсьөн-бöрсьөн збыльмöдан план мероприятиеяссö да найöс збыльмöдан кадколастьяссö индöмөн: _____.
7. Водзмөстчан проектсö збыльмöдöмысь виччысяна бöртасьяс: _____
(стöча опишитны, кызди вежсяс муниципальнöй юкөннн благополучательяслөн олöмыс проект збыльмöдöм бöрын)
8. Морт лыд, кодьяс босьтасны буртор водзмөстчан проектсысь веськыда (веськыда благополучательяс), косвеннöя (косвеннöй благополучательяс) (шуам, дзоньталöны кö улича, веськыда благополучательяс – тайö олысьяс, кодьяс олöны тайö да орчча уличаясын, кодьяс пыр ветлöдлöны подөн либö мыйöнкö дзоньталöм уличатi, а косвеннöй – муниципальнöй юкөнса (олан пунктса) либö олан пункт

юкөнса (микрорайон, квартал, улица) олысьяс, веськыда благополучательяс кындзи).

Веськыда благополучательяс (лыд): _____.

Косвенной благополучательяс (лыд): _____.

9. Уджалан места лыд, кутшөмъясөс көсйöны лөсьöдны водзмöстчан проект збыльмöдöм бöрын: _____.

10. Водзмöстчан проектлөн зумыдлун (водзмöстчан проекта бöртасьяслөн виччысяна «олан кадколаст»):

а) проектсö нуöдöны öтпыр;

б) кадколастыс 1 восянь 3 воöдз;

в) кадколастыс 3 восянь 5 воöдз;

г) кадколастыс 5 воысь дырджык.

11. Водзмöстчан проект збыльмöдöм бöрын лөсьöдан объектъяссö видзан да могмöдан мероприятияяс (эмöсь кө, опишитны): _____.

12. Водзмöстчан проект збыльмöдöм вылö сьöмөн могмöдан ыдждасö водзвыв арталöм (шайтъясын):

ставнас - _____, та лыдын:

муниципальной юкөнса сьöмкудйысь ас сьöм (муниципальной юкөнлөн ним) (сэк, кор көсйöны видзны тайö сьöмсö): _____;

водзмöстчан мынтöмьяслөн ыджда, мый могмöдö проект серти водзмöстчысь, сы лыдын гражданалөн да (либö) юридической кывкутысьяслөн, да (либö) ас вылö уджалысьяслөн сьöм ыджда: _____ / _____ / _____;

сьöмтöм пай ыджда, мый могмöдö проект серти водзмöстчысь, сы лыдын гражданалөн да (либö) юридической кывкутысьяслөн, да (либö) ас вылö уджалысьяслөн сьöмтöм пай (эмбурөн да (либö) уджөн ас көсйöм серти пырöдчöм): _____ / _____ / _____.

13. Морт лыд, кодъяс пырöдчисны гражданалөн сходö, собраниеö либö конференцияö, сы лыдын мутасын öтйöза асвеськöдлöм збыльмöдан юалöмьяс серти гражданалөн собраниеö либö конференцияö: _____.

(сёрнигижöд серти)

14. Морт лыд, кодъяс пырöдчисны опросö, кырымпасьяс чукöртöмö (сэк, кор нуöдöны опрос, чукöртöны кырымпасьяс): _____.

15. Содтöд юөр да гөгөрвоöдöмьяс (мытшöдлысь тöдчанлунсö да ёсылунсö эскöдöм (став тшупöда власьт органьяскöд гижасьöм, гражданалөн шыöдчöмьяс, экспертной öткотырьяслөн (ведомствояслөн)

видзодлас да мукодтор), кутшомос разьом выло веськодма водмостчан проект збыльмодомсо, фотоснимокьяс содтомон; водмостчан проект йылысь юорсо юортан стендыас вылын йозодомсо эскодом, юасян листьяс, анкетаяс, йозос юортан средствоясын водмостчан проект йылысь юор йозодомсо эскодом (копияс, вырезкаяс, ссылаяс), сайтьясон, социальной везьясон водитчом выло ссылаяс да мукодтор):

_____.

Лосялана муниципальной юконса
юралысь либо лосялана
муниципальной юконлон
меставывса администрацияса
юралысь (юрнуодысь),
либо сын уполномочитом морт _____

(кырымпас)

_____ (О.Н.В)

Кадпас: 20 __ вося _____ тольсь __ лун

Водзмөстчан проектяс серти,
кутшөмьясөс вөзийны
Коми Республикаса республиканскöй сьомкудйысь
мукöд сьомкудкостса трансферт тшöт весьтö
сьомөн отсöг босьтöм вылö,
конкурс серти бөрйöмсö нуöдöм йылысь положение дорö
2 №-а СОДТÖД

Конкурс серти бөрьян муртöсьяс

| Муртöслөн № | Муртöслөн/муртöс чукөрлөн ним | Муртöс серти балльяс |
|--------------------------|---|----------------------|
| 1. | Мытшöдлөн тöдчанлун (ёсьлун): | |
| 1.1. | зэв ыджыд – мытшöдсö колö разьны, медым кутны да видзны веськыда благополучательяслысь олöм могмöдан условиеяссö | 5 |
| 1.2. | ыджыд – мытшöдсö разьтöмлуныс лёка кутас тöдчыны веськыда благополучательяслөн олан качество вылö | 3 |
| 1.3. | шөркодъ – веськыда благополучательяс быд боксянь гөгөрвооны мытшöдсö, сийöс разьöмыс вермас бурмöдны олан качествомö | 1 |
| Пуктöм баллсö подулалöм: | | |
| 2. | Стöча индöм могьяслөн, кутшöмьясöс решитöм вылö веськöдöма водзмöстчан проектсö, олöмлы лöсялöм: | |
| 2.1. | пуктöм могьяссö позьö пöртны олöмö, найö стöчöсь, налөн эм выльлун | 10 |
| 2.2. | пуктöм могьяссö позьö пöртны олöмö, найö стöчöсь, найö лоöны быдлуныяөн | 5 |
| 2.3. | пуктöм могьяссö индöма стöча, но олöмлы оз лöсявны | 0 |
| Пуктöм баллсö подулалöм: | | |
| 3. | Водзмöстчан проектса мероприятиеяслөн медшөр могьяслы да могьяслы, кутшöмьясöс решитöм вылö веськöдöма водзмöстчан проектсö, лöсялöм: | |
| 3.1. | проектса мероприятиеясыс лöсялöны медшөр могьяслы да могьяслы | 5 |
| 3.2. | проектса мероприятиеясыс оз тырвийö лöсявны медшөр могьяслы да могьяслы | 1 |
| 3.3. | проектса мероприятиеясыс оз лöсявны медшөр | 0 |

| | | |
|--------------------------|---|----|
| | могъяслы да могъяслы | |
| Пуктём баллсö подулалём: | | |
| 4. | Водзмöстчан проектлön зумыдлун (бöртасьяслön виччысяна «олан кадколаст»): | |
| 4.1. | 5 воысь дырджык | 10 |
| 4.2. | 3 восянь 5 воöдз | 5 |
| 4.3. | 1 восянь 3 воöдз | 3 |
| 4.4. | водзмöстчан проектсö нуöдöны öтпыр | 1 |
| 4.5. | водзмöстчан проектлön зумыдлун серти юöрыс абу | 0 |
| Пуктём баллсö подулалём: | | |
| 5. | Эмöсь-ö лöсьöдан объектъяс видзан да могмöдан мероприятиеяс: | |
| 5.1. | водзмöстчан проектö пыртöма лöсьöдан объектъяс видзан да могмöдан мероприятиеяс: | 5 |
| 5.2. | водзмöстчан проектö абу пыртöма лöсьöдан объектъяс видзан да могмöдан мероприятиеяс: | 0 |
| Пуктём баллсö подулалём: | | |
| 6. | Благополучательясöс шымыртём (веськыда да косвенной), кодъяс босьтасны водзмöстчан проект збыльмöдöмысь буртор: | |
| 6.1. | 500 сайö морт | 5 |
| 6.2. | 301 мортеянь 500 мортöдз | 4 |
| 6.3. | 101 мортеянь 300 мортöдз | 3 |
| 6.4. | 50 мортеянь 100 мортöдз | 2 |
| 6.5. | 50 мортöдз | 1 |
| Пуктём баллсö подулалём: | | |
| 7. | Уджалан места лыд, кутшöмьясöс кöсийöны лöсьöдны водзмöстчысь проект збыльмöдöм бöрын: | |
| 7.1. | 3 сайö уджалан места | 5 |
| 7.2. | 1 уджалан местаянь 3 уджалан местаöдз | 3 |
| 8. | Мытшöд разьöмын водзмöстчан проектлön йöзлы тöдчанлун вылö гражданалön бур видзöдлас серти да сы вöсна гөлöс сетан тшупöд (гражданалön сходлön, собраниелön либö конференциялön, сы лыдын мутасын öтйöза асвеськөдлöм збыльмöдан юалöмьяс серти гражданалön собраниелön либö конференциялön, сёрнигижöд да водзмöстчан проектлысь йöзлы тöдчанлунсö эскöдысь кырымпасьяслön лыд серти): | |
| 8.1 | Благополучательяслön (веськыда да косвенной) | 10 |

| | | |
|---|---|----|
| | өтүвья лыдысь 90% да унджык | |
| 8.2. | 50%-сянь 89,9%-өдз | 5 |
| 8.3. | 20%-сянь 49,9%-өдз | 2 |
| 8.4. | 19,9%-өдз | 1 |
| <p>Пуктөм баллсө подулалөм: Тайө муртөссө арталөны татшөм формула серти: $N / Nч \times 100\%$, көни: N – проект вөсна чукөртөм кырымпас лыд, Nч – благополучательяслөн лыд (веськыда да косвенной)</p> | | |
| 9. | Водзмөстчан проект збыльмөдөм вылө рөскодлөн олөмлы лөсялөм да сийөс подулалөм: | |
| 9.1 | водзмөстчан проектсө збыльмөдөм вылө планируйтан рөскод серти сметасө лөсьөдөма рөскод нырвизьяс серти тырвийө; рөскодлөн торья нырвизьяс серти подулалөма лөсялана рөштшөтъясөн; планируйтөм рөскодыс олөмлы лөсялана | 10 |
| 9.2. | водзмөстчан проектсө збыльмөдөм вылө планируйтан рөскод серти сметасө лөсьөдөма рөскод нырвизьяс серти тырвийө, но торья нырвизьяс серти лөсялана рөштшөтъяссө абу подулалөма; планируйтөм рөскодыс олөмлы лөсялана | 5 |
| 9.3. | водзмөстчан проектсө збыльмөдөм вылө планируйтан рөскод серти сметасө лөсьөдөма абу тырвийө, да/либө водзмөстчан проектсө збыльмөдөм вылө планируйтан рөскод серти сметасө рөскодлөн торья нырвизьяс серти абу сетөма; абу подулалөма рөскодлөн торья нырвизьяс серти лөсялана рөштшөтъясөн; планируйтөм рөскодыс олөмлы оз лөсяв | 0 |
| <p>Пуктөм баллсө подулалөм:</p> | | |
| 10. | Водзмөстчан проектсө өтүв сьөмөн могмөдан тшупөд (доньялөны өтүв): | |
| 10.1. | Гражданаөн, юридическөй кывкутысьясөн, ас вылө уджалысьясөн водзмөстчан проектсө сьөмөн өтүв могмөдан тшупөд (водзмөстчан мынтөмьяс): | |
| | водзмөстчан проект доньсь 5 %-ысь унджык | 5 |
| | водзмөстчан проект доньсь 4 %-сянь 5 %-өдз | 4 |
| | водзмөстчан проект доньсь 3 %-сянь 4 %-өдз | 3 |

| | | |
|-------------------------------|---|---|
| | водзмөстчан проект доньсь 2 %-сянь 3 %-өдз | 2 |
| | водзмөстчан проект доньсь 2 %-өдз | 1 |
| 10.2. | Водзмөстчан проектсö меставывса сьомкудлөн сьомкуд ассигнованиеөн öтув сьомөн могмөдан тшупöд: | |
| | водзмөстчан проект доньсь 10 %-ысь унджык | 5 |
| | водзмөстчан проект доньсь 5 %-сянь 10 %-өдз | 4 |
| | водзмөстчан проект доньсь 3 %-сянь 5 %-өдз | 3 |
| | водзмөстчан проект доньсь 1 %-сянь 3 %-өдз | 2 |
| | водзмөстчан проект доньсь 1 %-өдз | 1 |
| 10.3. | Гражданалөн, юридическöй кывкутысьяслөн, ас вылö уджалысьяслөн водзмөстчан проектсö збыльмөдöмын эмбур да (либö) удж боксянь пырöдчан тшупöд: | |
| | водзмөстчан проект доньсь 5 %-ысь унджык | 5 |
| | водзмөстчан проект доньсь 4 %-сянь 5 %-өдз | 4 |
| | водзмөстчан проект доньсь 3 %-сянь 4 %-өдз | 3 |
| | водзмөстчан проект доньсь 2 %-сянь 3 %-өдз | 2 |
| | водзмөстчан проект доньсь 2 %-өдз | 1 |
| Пуктöм баллсö подулалöм: | | |
| Ставнас: | водзмөстчан проектлы быд муртöс серти сетöм балляслөн öтувья мында | |
| Водзмөстчан проектсö доньялöм | позьö збыльмөдны / оз позь збыльмөдны | |

1. Водзмөстчан проектсö быд муртöс серти доньялöны баллясөн.
2. Водзмөстчан проект серти медыджыд кывкöрталан доньялöмыс лö 80 балл, медичöтыс 0.
3. Конкурс серти бöрйöмсö прöйдитöмаөн лыддьöны водзмөстчан проектьяс, кутшöмьяс босьтисны медуна балл.

ВЫНСЬӦДӦМА
Коми Республикаса Вєськӧдлан котырлӧн
2022 во ӧшым тӧлысь 14 лунся 628 №-а шуӧмӧн
(2 №-а содтӧд)

Коми Республикаын муниципальнӧй юкӧнъяслӧн сьӧмкудьясӧ
водзмӧстчан проектяс збыльмӧдӧм вылӧ Коми Республикаса
республиканскӧй сьӧмкудйысь мукӧд сьӧмкудкостса трансферт юклан
МЕТОДИКА
да найӧс сетан правилӧяс

1. Тайӧ Коми Республикаын муниципальнӧй юкӧнъяслӧн сьӧмкудьясӧ водзмӧстчан проектяс збыльмӧдӧм вылӧ Коми Республикаса республиканскӧй сьӧмкудйысь мукӧд сьӧмкудкостса трансферт юклан методикаыс да найӧс сетан правилӧясыс урчитӧны Коми республикаын муниципальнӧй юкӧнъяслӧн сьӧмкудьясӧ водзмӧстчан проектяс збыльмӧдӧм вылӧ мукӧд сьӧмкудкостса трансферт (водзӧ – мукӧд сьӧмкудкостса трансферт) сетан пӧрадксӧ, условиясӧ да найӧс юклан методикасӧ.

2. Мукӧд сьӧмкудкостса трансфертсӧ сетӧны Коми Республикаын муниципальнӧй юкӧнъяслӧн сьӧмкудьясӧ (водзӧ – муниципальнӧй юкӧнъяс) сы могысь, медым ӧтув сьӧмӧн могмӧдны муниципальнӧй юкӧнъяслысь рӧскод кӧсйысьӧмьясӧ, кутшӧмьяс артмисны конкурс серти бӧрйӧмсӧ прӧйдитӧм водзмӧстчан проектяс збыльмӧдӧгӧн.

3. Мукӧд сьӧмкудкостса трансфертсӧ сетӧны лӧсялана во вылӧ Коми Республикаса республиканскӧй сьӧмкудлӧн ӧтувья сьӧмкуд роспись серти Коми Республикаса Юралыслӧн Администрацияӧн (водзӧ – Администрация) урчитӧм сьӧмкуд кӧсйысьӧмьяслӧн лимитьяс мындаын, водзмӧстчан проектяс збыльмӧдӧм вылӧ уджалан уджтасысь ӧтдор нырвизьяс серти.

4. Коми Республикаса республиканскӧй сьӧмкудйысь муниципальнӧй юкӧнлысь рӧскод кӧсйысьӧмьясӧ ӧтув сьӧмӧн могмӧдан медыджыд тшупӧдсӧ урчитӧны 100 прӧцент мындаын. Ӧти водзмӧстчан проект вылӧ Коми Республикаса республиканскӧй сьӧмкудйысь сьӧмӧн ӧтсӧг сетан ӧтувья мындаыс оз вермы лоны 1 млн унджык шайт.

5. Мукӧд сьӧмкудкостса трансфертсӧ сетӧны Администрацияӧн муниципальнӧй юкӧнъяслӧн лӧсялана меставывса асвеськӧдлан органьяскӧд кырымалӧм артмӧдчӧмьяс подув вылын (водзӧ лӧсялӧмӧн – меставывса асвеськӧдлан орган, Артмӧдчӧм).

Артмӧдчӧмьясӧ кырымалӧмны Коми Республикаса сьӧм овмӧс министерствоӧн урчитӧм типӧвӧй формаяс серти.

6. Мукӧд сьӧмкудкостса трансферт сетан условиясӧн лӧӧ сйӧ, мый:

а) Коми Республика мутасын водзмӧстчан проектяс бӧрйӧм серти Конкурснӧй комиссия примитӧс водзмӧстчан проектсӧ, кутшӧмӧс кутасны

збыльмодны муниципальной юкөнлөн либё сылөн юкөнлөн мутасын, ошкём йылысь помшуём;

б) муниципальной юкөнлөн съёмкудйын эм съёмкуд ассигнование, медым съёмён могмодны муниципальной юкөнлысь рёскод кёсийсьёмсё, кутшёмёс отув съёмён могмодём могысь сетёны мукөд съёмкудкостса трансферт, ыджадын, мыйта колё сійёс олёмö пöртём вылö, кытчö пырö Коми Республикаса республиканскöй съёмкудйысь сетны планируйтана мукөд съёмкудкостса трансферт мында;

в) Администрация да лöсялана меставывса асвеськöдлан орган костын тайö Правилöяслөн 5 пункт серти кырымалöма мукөд съёмкудкостса трансферт сетём йылысь Артмöдчём.

7. Мукөд съёмкудкостса трансфертсö сетёны отувья мындаын, мыйта колё сы вылö, медым мынтыны муниципальной юкөнлөн съёмкудйысь съём босьтысьяслөн рёскод серти съём кёсийсьёмьяссö, кутшёмьяслөн съёмён могмодан öшмöсөн лöö мукөд съёмкудкостса трансферт, кутшёмьяс лöсялöны мукөд съёмкудкостса трансферт сетан медшöр могьяслы, рёскод кёсийсьёмсö отув съёмён могмодан тшупöдсö тöд вылö босьтёмөн, мый урчитöма Артмöдчёмөн тайö Методикалөн 4 пункт серти.

Федеральной казначействолөн Коми Республикаын веськöдланін урчитём пöрадокын вуджöдö мукөд съёмкудкостса трансфертсö муниципальной юкөнъяслөн съёмкудлөн отувья тшöтьяс вылö, кутшёмьясöс муниципальной юкөнъяслөн съём овмöс нуöдысь органьяслы вöсьтöма Федеральной казначействолөн Коми Республикаын веськöдланінын, медым збыльмодны да петкöдлыны меставывса съёмкуд олёмö пöртём серти операцияссö.

Мукөд съёмкудкостса трансфертыс тыдалö муниципальной юкөнлөн съёмкуд чöжöсын Россия Федерацияса съёмкуд классификациялөн лöсялана кодьяс серти, сы лыдын «Россия Федерацияса съёмкуд классификациялысь кодьяс лöсьöдём да наөн вöдитчём, налөн тэчас да торья могьяс вылö индан принципьяс йылысь» Россияса съём овмöс министерстволөн 2019 во лöддза-номья тöлысь 6 лунся 86н №-а тшöктöдсö тöд вылö босьтёмөн.

8. Мукөд съёмкудкостса трансфертсö сетёны сэк, кор муниципальной юкөн кутчысьö мукөд съёмкудкостса трансферт сетан условиеясö, кутшёмьясöс урчитöма тайö Методикалөн 6 пунктөн.

9. Муниципальной юкөнөн Администрацияö мукөд съёмкудкостса трансферт сетан условиеяссö олёмö пöртём йылысь да рёскод збыльмöдём йылысь, кутшёмёс съёмён могмодан öшмöсөн лöö мукөд съёмкудкостса трансферт, отчётносьт сетан формасö, кадколастьяссö да пöрадоксö урчитöны Артмöдчёмөн.

Отчётносьтö колö пыртны мероприятияс збыльысь олёмö пöртём йылысь тöдмөгьяс, кутшёмьясöс отув съёмён могмодём могысь сетöма мукөд съёмкудкостса трансферт, тайö Методикалөн 6 пунктса «а» пунктулын индём инöда актөн вынсьöдём мероприятияслөн лыддьöг серти.

10. Муниципальной юкӧнлӧн меставывса администрация кывкутӧ Администрацияӧ сетан юӧрлӧн да документъяслӧн збыльлун вӧсна.

11. Мукӧд сьӧмкудкостса трансфертыс лоӧ торья могаӧн да найӧс оз позь видзны мукӧд мог вылӧ.

Сэк, кор муниципальной юкӧн видзӧма мукӧд сьӧмкудкостса трансфертсӧ абу торья мог вылӧ да (либӧ) абу кутчысьӧма Артмӧдчӧмӧн да тайӧ Методикаӧн урчитӧм сийӧс сетан условиеясӧ, сы серти вӧдитчӧны Россия Федерацияса сьӧмкуд оланпастэчасӧн урчитӧм мырдӧн тшӧктан мераясӧн.

12. Администрация босьтӧ тӧд вылӧ мукӧд сьӧмкудкостса трансфертлӧн мында да найӧс вуджӧдан кадколастьяс йылысь юӧрсӧ сэк, кор лӧсьӧдӧ Коми Республикаса республиканской сьӧмкудйысь кассӧвӧй мынтӧмьяс серти прогнозсӧ, мый колӧ Коми Республикаса республиканской сьӧмкуд олӧмӧ пӧртан кассӧвӧй план урчитӧм пӧрадокын лӧсьӧдӧм вылӧ.

13. Администрация да сьӧм овмӧс бӧрся канмусянь контроль нуӧдысь мукӧд орган урчитӧм пӧрадокын видзӧдӧны мукӧд сьӧмкудкостса трансферт сетан медшӧр могъясӧ, пӧрадокӧ да условиеясӧ кутчысьӧм бӧрся, сы лыдын прӧверкаяс нуӧдӧмӧн.